

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADONAČELNIK**

Na osnovu člana 23. Zakona o namještenicima u organima državne službe u Federaciji Bosne i Hercegovine („Sl. novine FBiH“, broj: 49/05) Gradonačelnik raspisuje

**JAVNI OGLAS  
za prijem namještenika u radni odnos na neodređeno vrijeme  
na upražnjeno mjesto**

- „referent – vatrogasac - vozač specijalnih vozila" u Službi civilne zaštite (jedan izvršilac).

**OPIS POSLOVA:**

- upravlja i rukuje specijalnim i ostalim vozilima i pumpama u akcijama gašenja i drugim interventnim situacijama,
- zajedno s vatrogascima održava vezu s rukovodiocem akcije gašenja i dispečerom u objektu PVJ
- stara se o efikasnoj primjeni i održavanju opreme, vozila i priključnih uređaja
- vrši kontrolu ispravnosti vozila i opreme u toku primopredaje, angažujući se i na održavanju ispravnosti čistoće vozila poslije svake intervencije, a po uputstvu automehaničara otklanja nedostatke na vozilima i pumpama
- prisustvuje obuci i vježbama i u akcijama ekipa za obezbjeđenje važnijih objekata
- radi na održavanju čistoće spremišta, kruga i radionice
- obavlja i druge poslove iz djelokruga Jedinice koje mu stavi u zadatak starješina voda, starješina jedinice i pomoćnik Gradonačelnika, a u skladu s njegovom stručnom spremom i pozicijom radnog mjesta.

**Uslovi za obavljanje poslova:**

- Opći uslovi** propisani članom 24. Zakona o namještenicima u Federaciji Bosne i Hercegovine (da je podnosilac prijave državljanin BiH, da je punoljetan, da ima opću zdravstvenu sposobnost za obavljanje poslova radnog mjesta za koje se prijavljuje, da u posljednje dvije godine od dana objavljivanja ovog javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji i Bosni i Hercegovini i da nije optužen za krivično djelo iz nadležnosti Međunarodnog tribunala za bivšu Jugoslaviju u Hagu.
- Posebni uslovi** propisani Pravilnikom o unutrašnjoj organizaciji, i to:
  - da ima srednju školu KV vozač motornih vozila (rukovalac mehanizacijom) i najmanje šest mjeseci radnog iskustva u struci, da ima položen stručni ispit za rad u organima uprave, položen ispit za vatrogasca, položen ispit za vozača B i C kategorije i da poznaje rad na računaru.

**Potrebni dokumenti (originali ili ovjerene fotokopije) koji se prilažu uz prijavu su:**

- diploma ili svjedodžba o traženoj vrsti i stepenu stručne spreme,

- uvjerenje o potrebnom radnom iskustvu u struci nakon završetka školovanja ili, u slučaju da je firma u kojoj je lice radilo u traženoj struci i spremi prestala da postoji, fotokopija radne knjižice uz odgovarajuću fotokopiju ugovora o radu ili rješenja o zasnivanju radnog odnosa,
- uvjerenje o položenom stručnom ispitu za rad u organima uprave,
- uvjerenje o položenom ispitu za vatrogasca,
- dokaz o položenom ispitu za vozača B i C kategorije,
- uvjerenje o državljanstvu BiH ne starije od 6 mjeseci ili ovjerena fotokopija lične karte
- certifikat ili drugi dokument koji dokazuje poznavanje rada na računaru
- ovjerene izjave da lice u posljednje dvije godine od dana objavljivanja ovog javnog oglasa nije otpušteno iz organa državne službe kao rezultat disciplinske kazne na bilo kojem nivou vlasti u Federaciji i Bosni i Hercegovini i da nije optuženo za krivično djelo iz nadležnosti Međunarodnog tribunala za bivšu Jugoslaviju u Hagu.

**Ljekarsko uvjerenje o općoj zdravstvenoj sposobnosti primljeni namještenik prilaže prije stupanja na posao.**

**Namještenik koji bude primljen u radni odnos podliježe obavezi probnog rada koji traje tri mjeseca.**

Javni oglas ostaje otvoren 15 (petnaest) dana računajući od posljednje objave u jednom od tri dnevna lista koji se distribuiraju na cijelom prostoru Federacije BiH. Prijave sa traženom dokumentacijom dostaviti u zatvorenoj koverti (sa, na poleđini koverta, ispisanim imenom i prezimenom, te adresom stanovanja) na adresu:

GRAD ZENICA,

Služba za ljudske resurse i zajedničke poslove, Trg BiH broj 6.

72000 ZENICA

i sa naznakom "za Javni oglas za prijem namještenika u radni odnos u Gradu Zenica - NE OTVARATI"

Neblagovremene prijave neće se uzimati u razmatranje.